



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XXIX. Vorbenannter Pfandnehmer Revers, wegen des ihnen verpfändeten
Schlosses Stavenow, vom Jahre 1405.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

geuen vnn̄d ſchreuen is na godes boit verteyn hundert jar, an dem vyfften jare dar na, an ſunte Fabians vnn̄d Sebaſtians dage der hilgen merteler.

Anſchultata et collationata eſt preſens Copia cum ſuo originali et concordat de verbo ad verbum Sifridus hunth Notarius.

Nach der „beurkundeten Ausführung“.

XXIX. Vorbenannter Pfandnehmer Nevers, wegen des ihnen verpfändeten Schloſſes Stauenow, vom Jahre 1405.

Wy Johan Ridder, luder vnn̄d wypert, brodere, heten lutzow, Hans van dem kroge vnn̄d Clawus van qwitzow, knapen, bekennen vnn̄d betogen openbar an deſſem breue, dat wy vnn̄d vnſe eruen dat Slot Stauenow mit ſinem ghebede, tobehoringe vnn̄d tolaghe mit allen dorpen vnn̄d huuen bezet vnn̄d vnbezet, nut vnn̄d ghulde, alſe dat Slot vnn̄d de dorpe alle an eren ſcheden begrepen ſint, den hochgebornen furſten vnſen gnedigen heren, hern Albrechte koninge der Sweden vnn̄d der goten vnn̄d hern Johanne, hertogen magnus ſone, hertogen to mekelenborch, greuen to zwerin, to Stargarde vnn̄d Rozſtok herrn, eren ſones hertogen Albrechte vnn̄d hertogen magnus vnn̄d eren rechten eruen brukliken antwerdet hebben vnn̄d antwerden an deſſem breue to enen rechten erfflote, to ewigen tiden bi der herſcop to bliuende, vnde dat fulue ſlot mit alle ſiner tolaghe hebben de vorbenomten heren vnn̄d ere eruen vns vnn̄d vnſen eruen vort wedder antwardet vnn̄d zettet to enem pande vor fos duſent mark lubefcher pennige. Vnn̄d wanner de vorbenomte heren vnn̄d ere eruen de fos duſent mark na vtwiſinge erer breue, de wy van en darvp hebben, vns vnn̄d vnſen eruen bereden, ſo ſcole wy vnn̄d vnſe eruen ſunder alle hulperede vnn̄d vortoch den vorbenomten heren vnn̄d eren eruen ere vorbenomte erff Slot Stauenow mit alle ſiner vorſcreuen tolage vnn̄d ſunder vpflach vnn̄d rekenſcop brukliken wedder antwerden. Vnn̄d wes wy vnn̄d vnſe eruen na der vorbenomten heren vnn̄d erer eruen rade vorbuwen an dem vorbenomten flote dat ſcolen ſe vns mit den vorbenomten fos duſent marken wedder gheuen. Ok ſcole wy vnn̄d vnſe eruen vnn̄d willen van deſſem vorbenomten flote der vorbenomten heren vnn̄d erer eruen frede holden alle dewyle id vnſe vnn̄d vnſer eruen pand is. Ok ſchal dit fulue ſlot ſtauenow der vorbenomten heren vnn̄d erer eruen opene ſlot weſen to allen eren nuden vnn̄d noden, wan ſe dat eſehen, wo vakenn en des behuf vnn̄d nod is, alle de wile id vnſe pand is. Alle deſſe vorſcreuen ſtücke vnn̄d artikele vnn̄d enen yeſliken byfunderen loue wy vorbenomte Johan, luder, wypert, brodere heten lutzouwen, hans vanne krughe vnn̄d Clawes qwitzaw, zwarte tydekens ſone, vor vns vnn̄d vnſer aller eruen an guden truwen mit ener ſameden hand, vnſen vorbenomten gnedigen heren koning Albrechte vnn̄d hertogen Johanne, eren ſones hertogen Albrechte vnn̄d hertogen magnus vnn̄d erer aller eruen, ſtede vnn̄d vaſt to holdende ſunder yenigerleye hulperede vnn̄d gantzliken ane alle liſt. Vnn̄d to hoger bewaringe vnn̄d merer bekantniſſe hebbe wy vorbenomte Johan, luder vnn̄d wypert, heten lutzowen brodere, hans van dem krughe vnn̄d Clawes qwitzow vnſer aller Ingeſeghele williken mit willen hengen laten an deſſen breff, de gheuen vnn̄d ſcreuen is to der Nyenſtad na godes bord veerteyn hundert jar an dem veften jare, dar na des Mandaghes vor ſunte Fabianus vnn̄d ſebastianus daghe der hilgen Merteler.

Nach der „beurkundeten Ausführung“.